



Tusagassiorfinnut nalunaarut Pressemeddelelse

30. september 2016

NUNA MED
Postbox 2031
3900 Nuuk
nunamed.org

Peqqinnissaq pillugu ilisimatusartut Nuuk tiguarpaat

Ilisimatusartut, peqqinnissakkut sullissisut allallu kalaallit Nunaanni peqqinnissamut tunngasunik soqutigisallit, ulluni makkunani peqqinnissaq pillugu ataatsimeersuarnissamut NUNA MED 2016-imut peqataaniarlutik Nuummi katersuupput.

- ” Kalaallit Nunaanni peqqinnissaq pillugu ilisimatusarnermit paasisat nutaanerpaat pillugit inunnik 300-it pallingajallugit amerlassusilinnik katerisitsisinnaaneq, taamaalillunilu ilisimatusarnermi apeqqutit nutaat, ilinniagaqassuseq akimorlugu ataatsimoorluni oqallisigisinnaanngornerat naammagisimaaqaarput. Kalaallit Nunaanni peqqinnissaq pillugu ilisimatusarnermi suleqatigiinnissap siuarsarnissaa siunertaraarput.”, taama oqarpoq ataatsimeersuartitsinermi suliniuteqartut pingaarnerit ilaat Gert Mulvad.

Ataatsimoorluni oqalugiaatit Katuami ingerlanneqassapput sammisaqarlunili ataatsimiinnerit Hotel Hans Egede-mi ingerlanneqassallutik. Arfininngorneq oktobarip ulluisa aallaqqaataanni Peqqissutsimut Naalakkersuisup Doris Jakobsen-ip ataatsimeersuarneq Katuami ammassavaa. Tamatuma kingorna, ataatsimeersuarnerup ataasinngornermi oktobarip ulluisa pingajuanni ualikkut naammassineqarnissaata tungaanut pisussatut pilersaarutaasut annertuut, ulluni pingasuni ingerlanneqassapput.

Peqqinnissaq pillugu ataatsimeersuarnerup NUNA MED 2016-ip qulequtaraa ”ineriartortitsinerup su-leqatigiissutigineqarnissaa”. Sammisat ilaatigut makkuussapput: Issittumi peqqinneq, nappaatit tu-niluuttut, nappaatit kingornuttakkat, sukcorneq, qarasaasiakkut nakorsartitsineq, kræfti, atonerluineq, tarnikkut peqqissuseq allarpassuillu.

Ataatsimeersuarnermut tapiliullugu Ph.d-nngornianut aasaanerani pikkorissarnermik taallugu ingerlanneqartumi sammineqarpoq:”Ethics and research in small populations in a changing environment”.

NUNA MED qulequtsiullugu ataatsimeersuarnerit 1991-imiilli ukiut pingasut allortarlugit ingerlanneqartarput. Aaqqissuisuupput: Grønlandsmedicinsk Selskab, Peqqissaasut Kattufiat, Kalaallit Nunaanni nakorsat peqatigiiffiat kiisalu Kalaallit Nunaanni Peqqissutsimik Ilisimatusarfik.

Nuna Med 2016 pillugu nittartagaq www.nunamed.org aqutigalugu allanik paasisassarsiorit.

Paasissutissat sukumiinerusut aaqqissueqataasut: Gert Mulvad oqarasuaat: 483253 imal. e-mail: gm@peqqik.gl imal. Suzanne Møller oqarasuaat 551328 imal. e-mail: sum@uni.gl attaveqarluni pissarsiarineqarsinnaapput.